

rum Cortex & pellis foliculorum sit dulcis) integra defodere. Similiter faciunt cum alijs fructibus; & postea virgulta ex seminibus pullulantia ab invicem sejuncta disponere, breviq; tempore magnas arbores, & optimos fructus assequuntur. Subinde inferunt eadem plane ratione, sicut & in Europâ ramos, nisi quòd non solum arbores, verùm etiam flores per insitionem curant propagare, & vertente sole, unicum florem multos alios diversarum figurarum, & colorum continentem, per hunc secundum modum faciunt producere. Tertius modus est Arbores propagandi, qualem in vitium propagatione cultores vinearum adhibent, interdum aliquarum Arborum ramos, ut Manga Goya, interdum sola folia, ut Papaya, injiciunt terræ, & citissimè in Arbores magnas excrescunt. Observationem autem illud diligentem meretur, quòd quas Arbores, cujuscunq; tandem illæ sint generis aut speciei, citò volunt Sinenses exurgere & fructus producere, ramos illarum grandes abscisso, die qua Sol in quindecim gradus Arietis ingreditur, in Terram defodiunt, edocti q; experientia ramos ejusmodi plerumq; feliciter radices agere intuentur, nimirum solum illam unicam diem in Anno, adhoc idoneam esse vel observârunt, vel per traditionem antiquorum acceperunt, ut farmentum, qualis cunque tandem Arboris sit, infixum Terræ, si ab illa eo tempore recipiatur, in ramiferam & frugiferam, celeriter possit Arborem excrescere. Nullum hic pictum videbis fructum Europæum. Studeo quoque omnes illos Indicos pingere, quos passim Mappæ circumferunt, & aliquos Sinicos, quos necdum vidi. Libellus præcipuos Indiarum & Sinarum fructus & arbores, aliquas etiam Aromaticas, & non nulla animalia, quæ Sinenses præter nostratia habent, tuis humanissimis oculis obijcit. Vale humanissime Lector & saltem oculos, si palatum non potes, recrea, universorumque Creatorem ex illius admirabilibus operibus contemplare.



YAY